

803? Nec aliquid novi de palatio vestrae sinceritati demandare habuimus. Vestrae
 April 13. vero devotionis sanctitas praedicet Odulfo nostro olim amico¹ verbum vitae saepius,
 P.ov. 20, 28. ut sit iustus in iudiciis, et misericors in pauperes, quia scriptum legimus: 'Misericordia
 et veritas custodiunt principem' et exaltant ambulantes in eis. Recordetur semper,
 quem velit habere in periculis defensorem, eumque diligat, et opere, quantum valeat, 5
 illius impleat praecepta. Nec se inconsulte tradat periculis, quomodo quidam ante-
 cessor^a sui fecerunt², et ideo inproba morte perierunt. Sit illi Christus in corde,
 et praecepta eius in ore et opere, ut vivat feliciter in hoc seculo, et in futuro beatam
 obteneat gloriam.

Vestros vero discipulos et capellanos³ meo, precor, officio saluta, ammonens eos 10
 honeste vivere coram hominibus, ut vestra ex eorum conversatione laudetur dignitas.
 Fratres quoque sancti Hrotberti confessoris Christi hortare saepius, ut sincera cari-
 tate et devota relegione et sancta humilitatis oboedientia Deo fideliter deserviant,
 respicientes in perpetuae beatitudinis remunerationem. Militant^b enim in castris 15
 ecclesiae Christi militiam, quatenus in caelestibus cum eo sedibus sempiterna felicitate
 gaudeant: meique ut memores sint, non solum eos opto ammoneas, sed omnes regionis
 vestrae famulos famulasque Dei, quorum et quarum multiplicet dominus Deus nume-
 rum, et nomina iubeat perscribi in caelesti bibliotheca. Divina vos gratia prosequatur
 omnes, et ad gloriam perpetuae beatitudinis pervenire faciat, domini dilectissimi.

Scripsissem ad singulas personas supra nominatas exhortationis litteras, nisi me 20
 festinatio prohiberet huius venerandi portitoris⁴. Vestra vero bonitas fiat, obsecro,
 vivens epistola et Deo placabilis, ut nostro nomine singulos quosque ammoneas de
 salute animarum suarum, orationibusque meis, quos Christus ubique conservare dignetur.

265.

*Alcvinus Arnonem archiepiscopum Salisburgensem propter occupationes saeculares
 afflictum consolatur. Litteras per Adalwinum episcopum missas commemorat; pro casula 25
 gratam spondet memoriam.* 803? April. 13.

Codd. S 1 fol. 216'—219' (S 1 fol. 148—153').*

Edd. M 25, F 114, J 203. — Migne col. 404.

DOMINO DESIDERABILITER HONORABILI ET HONORABILITER DESIDERABILI AQUILAE
 ARCHIEPISCOPO HUMILIS LEVITA ALBINUS SALUTEM. 30

Acceptis vestrae caritatis muneribus omni auro amabilioribus, et apicibus omni
 favo dulcioribus, in quibus lectum erat de angustia mentis vestrae pro servitio saecu-
 lari adversus sanctitatis vestrae dignitatem, ita ut non liceat melioribus instare officiis,
 nec animarum gregis Christi lucris inservire. Vestra cogitet, obsecro, beatitudo, quis
 umquam sanctorum hoc saeculum sine temptatione transigeret. 'Solus', ut ait beatus 35

^a) antecessoris S 1. ^b) militent S 1.

1) Geroldo anno 799. interempto Audulfus comes quidam Francicus, quondam regiae mensae prae-
 positus, missi regii persona suscepta provinciam Bavaricam gubernare coepit in eoque munere a. 818. de-
 functus est; cf. Simson Jahrbuch. des fränk. Reichs unter Ludw. dem Fr. I, 153. Audulfus fortasse idem
 est mensae praepositus, quem Menalcae nomine Alcvinus ac Theodulfus laudant; cf. supra p. 233 n. 1. 40
 2) Geroldum praefectum Baioariae 1. Sept. 799. ab Avaris interemptum atque Ericum marchionem Foro-
 iuliensem apud Tarsaticam occisum dicere videtur, cf. p. 326 n. 7, sed Frobenius, cui assentitur Zeissberg
 (Sitzungsber. der Wiener Akad. XLIII, 330), affert locum annalium S. Emmerammi a. 802: Cadaloc et
 Gotehrannus seu ceteri multi interfecti fuerunt ad castellum Guntionis (SS. I, 93). 3) Adhelricum,
 Adalbertum, Guntarium, cf. supra p. 418. 4) scil. Adalwini. 45